

Inatsisartut suleriaasianni § 37, imm. 1 naapertorlugu, matumuuna Naalackersuisunut apeqqutit imaattut ingerlateqqinneqarput:

Naalackersuisunut apeqqutit:

- 1. Nunatsinni ilinniagaqartunut ilinniartut inaanni najugalinnut qaammammut akiliut qanoq annertutigiva, kisermaamut aappariinnullu immikkoortillugit?**
- 2. Nunatsinni illoqarfinni ilinniaqiffiusuni, pisortat inissiaataat marlunnik pingasunillu initallit (2- og 3 rums) akikinnerpaamiit akisunerpaamut akimikkut qanoq inissisimappat?**
- 3. Nunatsinni angajoqqaanut kisimiittunut imaluunniit aappariinnut meerartalinnut pisortallu inissiaataanni najugaqartunut, ilinniagaqarusuttunut, najugartillu paariinnarlugu qaammammut akiliutaat ilinniartut inaanni najugaqartutuulli akiliisalissagaluarpata, assersuutigalugu inissiat qulit pineqartillugit, marlunnik pingasunilluunniit initalinnik najugaqarfigineqartunit Naalackersuisunit qanoq akeqassangatinneqarpa?**

(Inatsisartunut ilaasortaq Gerth Mikaelen, Naleraq)

Tunggavilersuut:

Nunatsinni ilinniarfiit amerlisarnissaannut periarfissaq ammaaneqarsinnaasuuppat ilaqutariippassuarnut atorneqarsinnaassagaluarpoq, ilaqutariinummi inersimasunut arlaqartunut periarfissaq taamaattoq amigaatigineqarmat.

Ilaqutariippassuaqaralarpoq ilinniagaqassutsikkut qaffassarumasunik. Aporfeqarpulli inigisaminnik annasaqarsinnaanermik aarleqquteqarnertik pillugu uniinnarlutillu aallartinnissamut nangiartunik, taamaalillutillu amerlavallaat ingerlariaqqissinnaasaratik. Ilinniarsimassutsip qaffassarnissaa anguniarlugu ilaqutariinnut periarfissiinissaq ammaattariaqarparput.

Aallartisanngikkutta ilaqutariinnit periarfissaq qanoq atorumaneqartiginersoq paasinavianngilarput.

Ammaassinitsigut ilaqutariussusermut nukittuumut qularnanngitsumik allartitsissaagut. Ilimagilluinnarpara ilaqutariinnit inuuniarnermikkut atugassaritinneqartuni akitsoraluttuinnartut peqquataaqataatillugit periarfissaq atuutsinneqalissagaluarpat tigulluarumaaraat. Taamaalillutami ilaqutariit meerartallit siunissamut nuannaarnerulersillugillu nukittunerulersissagatsigit.



Ilaqutariippassuarnut periarfissaqannginneq nikeriartitsisinnaajunnaaqqavoq ullutsinnilu tamanna nunatta karsianut akisoorujussuulluni. Taamatut ingerlaannarutta siunissami akisuningussaaq, taamaattumik ilaqutariinnik nukittuunik pilersitsissagutta periarfissiissutit taamatut isikkullit ammaattariaqarpagut.

Nunatsinnimi ilinniartunut inissat amigaatigereerpagut. Periarfissamik ammaassineq ilaqutariinnut ilinniagaqarusussusermik annertuumik pilersitsiinnarani siunissamilli qaamanerusumik ammassinerussaaq.

Ilaqutariit nukittuunngortinnissai pillugit ilinniarsimassutsillu pitsanngorsaaviginissaa pillugu ammaassiniarta.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.